

東國通鑑

二十四

東國通鑑卷之四十五

高麗

忠惠王三

甲申

五年

元至正四年

春正月宰相會百官及國老于

旻天寺欲署名呈省書國老多不至事竟未

就○王薨于元岳陽縣王之行傳車疾驅艱

楚萬狀未至揭陽道薨或云遇鴆或云食橘

而殂國人聞之莫有悲之者小民至有欣躍

以為復見更生之日其民不見德如此初宮

中及道路歌曰阿也麻古之那從今去何時

東鑑四十五
一
來至是人解之曰岳陽亡故之難今日去何
時還

史臣曰忠惠王以英銳之才用之於不善
昵比惡小荒淫縱恣內則見責於父王上
則得罪於天子身為羈囚死於道路宜矣
雖有一老臣李兆年言之剴切其如不我
聽何哉

二月元命元子昉嗣位昉在元年甫八歲高
龍普抱而見帝帝曰汝學父乎抑學母乎對
曰願學母也帝嘆其天性好善惡惡遂令龍

位王下教戒國內臣僚一革弊政慰恤百姓
○閏月王命政丞蔡河中司空姜好禮政堂
文學鄭乙輔同知密直金上琦薛玄固密直
提學張沆叅議國政以咸陽君朴忠佐陽川
君許伯判田民都監事竄韓范張松沈奴介
田豆乞不花等十五人于島鄭天起蘓敬夫
趙成柱等放歸田里皆先王嬖幸也○監察
司悉收先王時惡小輩告身○夏四月以祺
為江陵府院大君珵為益興府院君蔡河中
為右政丞韓宗愈為左政承李齊賢判三司

事金倫權謙朴忠佐為替成事羅益禧孫守
卿為叅理金承嗣金上琦為三司右左使
王欵觀李杜詩宗愈曰抽黃對白無補於政
王命進之宗愈托以無典守者竟不進

臣等按詩之道大矣孔子編詩取三頌二
雅十五國風雖鄭衛之淫檜曹之微皆存
而不削蓋詩有邪正之異正寢之殊使讀
者懲創感發得其無邪之旨漢魏以降百
家並興皆以織組雕鏤之文駢驪浮薄之
辭各自名家能得三百篇之遺旨者蓋寡

然其間豈無一二豪傑之士因事撰述有
陳戒規箴之風歌詠訟禱之詞以續風雅
者乎不可以後世之作一一盡廢之也世
之尚論者曰人君不讀非聖之書當究心
精一執中之學不可讀百家諸子以累正
學楊雄亦言詩賦小技比之雕蟲篆刻壯
夫恥之況於人主乎歷觀後世人主有或
一向好著嗜文藻悅浮誇溺意詞章如陳
後主隋煬帝怠於國政日事嘯詠探奇摘
勝與臣下等爭能酣歌宴樂卒召覆亡之禍

詩之能誤人國家亦如此或者之論其有
見於此乎忠穆幼冲嗣服天之命哲命吉
凶尚未敢知况時方尚學學無定力先詞
章後聖學此一念乃聖狂之機治忽所繫
可畏之甚也宗愈為首相輔幼主開諭善
導納之無過之地乃其職也其不進李杜
詩者豈無深意哉宗愈歷事四朝當於烈
宣忠惠多事之時事不辭難精忠大節有
大過人者今輔幼主亦得大臣體其賢矣
哉

乙酉王至自元翼日元使桑哥頒詔曰昔我祖宗奄有萬方外薄四海于時高麗慕義効順用達東國傳之子孫世守藩輔不謂近者高麗國王寶塔實里肆為無道荼毒境內民不堪命來訴京師今正厥罰遷之嶺表然念自其先世事我列聖罔有二心一朝後嗣不克繼承遂失世爵在朕奚忍又念海隅蒼生皆朕赤子久罹塗炭良切予懷乃命其子八禿麻朶兒只仍襲征東行省左丞相高麗國王布朕德澤輯寧吾民其實塔實里所行虐

政並從釐革人民逃避山林亟令有司剋日
招撫勸農興學凡合整治事宜悉遵成制俾
甬有象各保生業是日王宴桑哥用汝樂百
官侍座皆簪花名曰君臣慶會宴

史臣元松壽曰三年之喪自天子達於庶
人先王岳陽之喪未返於國而至用女樂
使百官抻花如禮何

上洛君金永暉詣闕庭辛裔盧英瑞穿紫靴
戴綬帽踞胡床于門內下視不為禮永暉招
之前曰僕聞主上襲位東還復正三韓蹈舞

不已來謁殿下公等何不革前代惡小奢靡
冠服此豈移風易俗之道乎英瑞等慚而退
○五月賜宦者高龍普功臣號○元遣李麻
秦瑾等來丹王為開府儀同三司征東行中
書省左丞相上柱國高麗國王○金海君李
齊賢上書都堂曰今我國王以古者元子入
學之年承天子明命紹祖宗重業而當前王
顛覆之後可不修心翼翼以敬以慎敬慎之
實莫如修德修德之要莫如嚮學今祭酒田
淑蒙已名為師更擇賢儒二人與淑蒙講孝

經語孟太學中庸以習格物致知誠意正心
之道而選衣冠子弟正直謹厚好學愛禮者
十輩為侍學左右輔導四書既熟六經以次
講明驕奢淫佚聲色狗馬不使接于耳目習
與性成德造罔覺此當務之莫急者也君臣
義同一體元首股肱不親附可乎今宰相非
宴會不相接非特名不得進此何理乎當請
日坐便殿每與宰相論議政事或可分日進
對雖無事不廢此禮不然則大臣日踈官寺
日親生民休戚宗社安危恐豈得而上聞也

政房之名起于權臣之世非古制也當革政
房歸之典理軍簿置考功司標其功過論其
才否每年六月十二月受都目考政案用以
黜陟永為恒規則可以絕清謁之徒杜僥倖
之門今君因循不復古制深恐將來梁將祖
倫朴仁壽高譙之輩蜂起而黑冊之謗不可
遏也鷹坊內乘毒民尤甚者前已下令革罷
後復遷迤中外失望至使龍普馳出見責可
不愧于心乎德寧寶興等庫凡非古制者一
切釐革庶永不負聖旨勤恤之意刺史守令

得其人則民受其福不得其人則民遭其害
官高而降為者偃肆不遵法年邁而求得者
昏懦不任事或以請謁起壠畝垂金魚者又
不足言也請如古制朝士之未入叅者必經
監務縣令至于四品例為牧守而監察司按
廉使必行褒貶為之賞罰所謂官高者年邁
者用請謁起壠畝者如不得已寧授京官勿
與親民之任行之二十年流亡不復貢賦不
足未之有也金銀錦繡不產我國前輩公卿
被服只用素段若紬布襪四只用鍮銅瓷瓦

德陵作一衣問直則重輟而不為毅陵賞責
前王蹙金之衣挿羽之笠非吾祖舊法有以
見國家四百餘年能保社稷徒以儉德也近
來風俗窮極奢侈侈民生困而國用匱職此而
已請宰相今後不以錦繡為服金玉為器又
不使袷服乘馬者擁其後各務儉約諷士而
化下風俗可以歸厚也前者迫徵累歛之布
便合歸於納者然恐官吏夤緣為姦細民未
蒙實惠故宜分付諸司以充來歲雜貢令其
得免先納借債之弊行省既有文移當早施

行三食邑既立之後百僚俸祿不備夫以一國之主取羣臣養廉之資以實私藏豈不貽譏後世請聞諸兩宮罷食邑還屬廣興倉充其俸祿京畿田土除祖業口分餘皆折給為祿料田行之近五十年通者權豪之門奪占略盡中間屢議釐革輒以危言脅欺上聽卒莫能行此大臣不固執之所致也果能釐革悅者甚衆不悅者權豪數十輩而已何憚而不果為哉州郡遠年貢賦之逋欠者有司百計迫徵十分莫得其一祇是歛怨而已望下

令自至正三年已前逋欠貢賦一坊蠲免前
此數年窮民有因暴斂典賣男女請令諸道
存撫按廉使出榜許其來京自告因以官財
量給贖還其買者尔令自首若不自首不與
其直勒還父母甚者治罪○判典校寺事李
穀在元致書宰相曰惟吾三韓國之不國尔
已久矣風俗敗毀刑政紊亂民不聊生如在
塗炭幸今國王受命之國民之望之若大旱
之望甘澍然國王以春秋之富譙恭冲默一
國之政聽於諸公則其社稷安危人民利病

士君子之進退皆出於諸公夫進君子則社稷安退君子則人民病此古今之常理也然則用人又為政之本也蓋用人則易知人則難不問邪正不論高下惟貨是視惟勢是依附我者雖姦諂而進之異己者雖廉謹而退之則其用人不既易乎用人易故政日亂政日亂故國家隨以危亡此不待遠求諸古實目前之明鑑也古之人知其然於一進退人之際而必察其所行所從來惟恐黷于貨而奪于勢也然猶朱紫相奪玉石相混其知人不

既難乎耶今本國之俗以有財為有能有勢
為有知至以朝衣儒冠為倡優雜劇之戲直
言正論為閭里狂妄之談宜乎國之不國也
穀之所以離親戚去鄉國久容於輦轂之下
者正為此耳比聞諸公所以輔政更化者與
前日甚不相遠名雖尚老而少者實主其柄
名雖尚廉而貪者實主其權既斥惡小而大
者不悛其惡既改舊臣而新者反附其舊知
人不難用人甚易似非國王安任之意朝廷
聞之得無不可乎或曰不必寓書諸公徒見

其怒而無所益也。敕應之曰：社稷苟安，人民苟利，將具本末言之。朝廷違之，天子豈以諸公之怒而便含默耶？是用敢貢狂瞽之言。惟諸公察焉。○罷寶興德寧庫內乘鷹坊其所隸土田奴婢各還本處。○遣密直全思義如元謝冊命。○元沅崔和尚林信朴良弼閔澳金添壽林以道承信南宮信王碩等于諸路。○六月，發新宮所貯三食邑布四千餘匹歸廣興倉。○慶華公主薨。○癸酉，大行王之喪至自岳陽。○置書造官，分為四番，更日侍讀。

密直提學李仁復貌嚴辭氣簡重每進講王
謂左右曰吾見李公不覺竦然安震言於王
曰臣等備貲兩府不可竟日侍講宜擇端士
以備顧問春秋修撰元松壽藝文檢閱許湜
其人也判三司李齊賢等又進言王之有瑕
者必待良工雕琢然後成其實器人君豈皆
無失必待良臣啓沃然後能成其聖德因曰
臣等不叅侍講之時宜令松壽常在左右講
劇道義王從之○秋八月改定科舉法初場
試六經義四書疑中場古賦終場策問○庚

申葵永陵○王御書造講罷起居郎朴允文
後出宦者李伯告王曰請令允文速署奴家
兄告身王曰若是則何異前代崔和尚之所
爲乎汝宜以私請之○王命毀新宮作崇文
館○替成事朴忠佐請貞觀政要因言燕昭
王築黃金臺迎郭隗之事賜鈔五十錠○九
月叅議叅理羅益禧卒益禧性耿介慕節義
恥與人爭其母分則別遺減獲四十口辭曰
以一男居五女間烏忍苟得其贏以累鴈鳩
之仁毋義而許之忠宣王好立新法益禧多

所封駁以錦城君閑居每念生民休戚人材
用捨負手蹙鼻獨行園庭若有隱憂至是復
入政府謂齊賢曰吾君幼委任宰相彼負且
乘者不誠覆轍吾其引避毋俱為十手所指
也未幾卒謚良節○以公主不豫赦二罪以
下○冬十月以王煦為右政丞金倫為左政
丞○十一月遣尹安之安輔郭珣應舉于元
輔中制科○十二月遣德城府院君奇轍如
元賀正○潘王暘至自元○元遣使來錫忠
宣忠肅王謚冊罷政房歸之典理軍簿○

京畿祿科田為權貴所奪者悉還其主

忠穆王

諱昕蒙古諱八思麻朶兒只忠惠王
長子母德寧公主性聰慧在位四年

壽十二

乙酉

元年

元至正五年

春正月甲午地震二日○復置

政房○乙卯地震○二月定安府院君許琮
卒忠烈王養琮宮中及長尚忠宣王女壽春
翁主屏人事日以醫藥活人為事生長富貴
而無驕色守禮好施○德寧公主召諸宰相

謂曰自今興海君裴佺勿復近侍先是佺得
幸公主有人錄佺罪惡貼匿名狀于版圖門
故公主斥之後佺猶在宮中用事○夏六月
僉議評理崔文度卒文度樂觀濂洛性理之
書事親至孝○秋七月左司議大夫鄭誦卒
于元誦好學善屬文忠惠王朝為左司議多
所封駁執政惡之出守蔚州雖在謫中吟嘯
自若慨然有遊宦上國之志嘗曰大丈夫安
能鬱鬱於一方耶遂如元謁別哥不花丞相
一見奇之將薦之天子會病卒○潘王暘卒

葬以公主禮○冬十二月罷王煦以金永煦
為右政丞印承旦為左政丞李穀為密直使
煦罷政房復科田故為貪姦所惡而罷時人
觖望

成兩

二年

元至正六年

夏五月附大行王于大廟○冬

十月命修國史教曰太祖開國四百二十有
九年于茲其間典章文物嘉言善行秘而不
傳何以示後故我忠宣王命閔漬修編年綱
目尚多闕漏宜加纂述頒布中外乃命府院
君李齊賢贊成事安軸韓山君李穀安山君

安震提學李仁復撰進○初陝州吏李績避役托驚城君辛裔求官裔奪人官授之失官者訴監察司因績裔深銜之罵辱監察大夫李公遂令一中郎將執掌令宋球以來郎將不得執裔怒使其弟貴歐之蓋倚其妹婚高龍普之勢也○永嘉府院君權溥卒溥初名永性忠惠族姻睦僚友嗜讀書老不輟嘗與子準哀集歷代孝子凡六十四人使壻李齊賢著贊名曰孝行錄行于世六子三壻皆封君世號九封君然無圭角久典銓衡鬻爵

營產人譏之○十一月王觀八關樂于儀鳳樓時右副代言金用謙因其姪宦者龍藏驟至近侍又有龍藏姪郭允正亦籍其勢拜大卿用謙性暴戾允正膽大敢言少屈於人用謙妬寵喻龍藏罷允正又奪龍藏所給財物允正訴監察司劾之是日王命用謙入侍監察大夫李公遂言用謙被彈公然蔽於朝列非古制也請出之諸代言請姑留之王不聽曰寧少一代言不欲拒諫○元命前政丞王煦入朝

丁亥

三年

元至正七年

春

正月

元遣人取政丞盧頊二

女以歸

○

二月前政丞王煦左政丞金永晄

還自元告王曰帝問先王失德臣等奏先王

初不若是但小人導之耳其徒尚在不去尔

誤今王矣帝然之勅臣等曰若其泄治之大

妃聞之泣下賜酒慰謝永晄傳帝密旨曰可

復以王煦為政丞時右政丞盧頊在側慚赧

而退稱疾不出○置整治都監以王煦金永

晄及安軸金光輟為判事分遣屬官量諸道

田時崔宰為判官嘆曰前王之失德非王自

為乃左右逢之耳逢之於前揚之於後吾實
恥之稱疾不出○元遣使賜王煦金永晄衣
酒及鈔勸整治○三月整治都監以奇皇
后族弟奇三萬倚勢奪人田恣行不法杖之
下巡軍獄踰兩旬死○初利川縣吏以公田
賂政丞蔡河中理問尹繼宗至是按廉金珪
截吏耳將徇于道內牒報都監錄事安吉祥
懷繼宗舊恩不以告王煦金永晄怒批其頰
鳴鼓黜之○夏四月整治都監杖奇皇后族
奇柱下巡軍柱嘗席勢肆虐中外苦之及置

整治都監自知其罪逃匿楊廣道按廩金糾
捕送之○叅理安子由攝事于大廟憫牛之
死不殺牲糾正白元石不據禮以爭時人非
之○行省理問所囚整治都監官佐郎徐浩
校勘田禄生初前忠州判官崔純實告竒三
萬之事及三萬死其妻訴行省行省白王囚
浩禄生于獄金永晁曰殿下何囚整治官王
曰三萬奪人田五結何至拔死永晁曰三萬
怙勢恣惡奚止奪人田五結哉召理問河有
源對辨永晁曰我等親奉帝命先治元惡浩

祿生奚罪焉乃自繫行省獄王命出之○五月王煦金永暎呈書僉議府曰我等親奉帝命整治本國今行省理問所以竒三萬之死歸咎都監囚徐浩田祿生而理問何有源挾私枉問必欲誣服自今不能整治翼轉達中書省○六月貶趙得球于耽羅初王煦之朝元也得球從焉煦與得球議整治事得球曰贊成事康允忠在幼王之側納君於邪苟欲整治宜先去之允忠聞而銜之至是煦永暎以三萬之死不能整治欲如元奏帝允忠恐

得球涎煦圖已誘王貶之○王煦金永晁如
元理問所累遣人追執煦永晁以歸悉囚整
治都監官問殺奇三萬之故適帝遣中書省
右司都事兀理不花等賜衣酒于王及煦永
晁以賞整治煦永晁至洞仙驛遇兀理不花
乃還不花以帝命問整治幾何理問所聞之
釋所囚官未幾徐浩誣服復囚整治官吳璟
陳永緒安克仁李元具全成安于獄尋釋之
○元放院使高龍普于金剛山龍普在帝側
用事天下疾之御史臺奏曰龍普高麗煤場

人席寵怡勢作威作福親王丞相望風趨拜
招納貨賂金帛山積權傾天下恐漢之曹節
侯覽唐之仇士良楊復恭復起按今日請誅
之以快天下之心帝宥而放之○監察司論
叅理安子由不殺牲之罪請免其官王以子
由有功拔父王且方奉使上國原之

史臣金仲鏘曰梁武惑浮屠果報之說宗
廟之享以麴代牲卒致臺城之餓今子由
奉君命祭于大室擅不血薦其罪當誅王
乃以姑息之仁不聽憲司之請其享年不

永宜矣

秋七月有人貼匿名牒云贊成事康允忠以一宦者與一侍女通媒君母恣行淫亂得寵于內今沮整治都監專是允忠與河有源之謀也若誅此兩人國無患矣先是前密直印璫前贊成事權謙兩壽山言於高龍普曰允忠通乎君母罪惡貫盈今允忠聞院使來白王曰龍普諂先王薨于岳陽今得罪而來也王何必待以厚禮龍普聞而憾之謂允忠曰爾為內臣恣行無禮何哉自今母昵于內允

忠懼謝病不出數日賂龍晉母以請龍晉對
允忠語璫等曰今欲辦東贄成事公等毋隱
前言璫等相視默然龍晉陽詰之顧謂允忠
曰公宜復視事會元使來主率百官迎詔于
郊允忠遂扈從○理問所鞠整治都監官欲
誣加枉殺三萬之罪不服皆下獄○元遣工
部郎中阿魯刑部郎中王胡劉等來鞠奇三
萬之事○冬十月理問所囚密城副使李孫
慶驍興副使李蒙正西州副使趙冬暉以承
整治都監牒撤宦者及豪強田莊也○賜金

仁琯等三十三人及第知貢舉陽川君許伯
同知貢舉韓山君李穀徇私多取世家不學
子弟憲司彈之不出新及第依牒○元召還
高龍晉○元以三萬之死遣直省舍人僧家
奴杖整治官白文寶申君平金成安河楫南
宮敏趙臣王金達祥盧仲孚李天伯許湜李
承閏安克仁鄭光度吳璟徐浩田祿生惟安
軸王煦以帝命原之前密直金光輟前大護
軍李元具以病免杖帝仍降璽書復置整治
都監令王煦判事時金永暉執已見煦恥與

較故帝詰之安煦治之十一月以王煦領
都僉議司事

戊子

四年

元至正八年

春正月王及德寧公主召彥陽

府院君金倫問請謚事對曰先王不返徒以
親近愴士歛怨累德今其禍首猶在必先正
其罪以明先王非辜然後可論倫遂與李齊
賢朴忠佐等耆老上疏曰竊見康允忠起自
賤隸得幸先王姦諂荒淫既經杖斬宜畏法
以退藏猶匿過名復貪榮而冒進百端送欲
一代肆凶先王所以詔獄就徵岳陽返葬允

忠一賊實是根株閔澳九人只為枝葉積累
專歸於上狡謀獨免其身期則一國之痛心
而疾首者也臣倫等俱抱願忠之志不勝疾
惡之心謹疏其罪以聞伏乞轉呈上國以明
前代之事非先王之過皆允忠所為加此賊
兩觀之誅宜先王萬世之恥蓋允忠者強奸
金南寶之妻又奸白儒之妻屢經杖斷身帶
瘢痕冒受征東負外仍魚食議贊成豪橫不
法現有三妻又娶故密直趙石堅服喪妻據
有石堅家產又至正六年天下命王脫歡金

那海整治本國弊政脫歡因言前代之事先
忠實為禍根當先退黜可以整治先忠恐懼
潛用譎謀給那海抑脫歡以誤整治之事又
至正七年天子復命脫歡等整治殿下召脫
歡等宰相耆老議所以奉行者耆老以為聽
斷田民之訟只為整治之一事必先整治選
法中外之官各得其人令監察舉劾非違然
後可以上副帝意先忠方為政房提調恐失
其利且怨王脫歡前言作色拂袖以起不以
衆論入白尋用所親安子由等不諳民事之

人而為整治都監官陞脫歡為領都僉議實
奪其權脫歡不能舉行一事者實允忠所沮
也宗廟之事國之大事子由攝事大廟擅以
犧牛與願堂僧使血祀有關監察劾論其罪
以其壻李浥為允忠門客百計營救反陞子
由為贊成事諫官宋天逢李邦實安元龍不
署子由謝貼允忠朦朧君命名邦實等勒令
請暇尋奪其職且允忠監傳之奴安知流品
清濁乃為政房提調擅銓選之權與奪由已
賄賂公行門戶如市更念聖武皇帝肇基朔

方忠惠王慕義先服世祖皇帝班師南國忠
敬王冒險親朝賴及子孫世為錫舅允忠屑
屑小人專權拔國流毒拔民至使先王存彼
譴訶沒稽贈謚若不舉正此賊之罪無以追
明先王之忠請詳憤憤之詞以為冥冥之恨
王及大妃感悟轉呈于元授金倫改正請謚
二表遣之倫謝曰臣桑榆之年七十又二恐
顛濟道路以辱明命然喘息尚存敢不黽勉
脫歡即王煦那海即金永晄○二月彥陽府
院君金倫卒倫將如元忽得風疾十日不飲

水漿令左右扶起具衣冠端坐而逝倫僉議
叅理賁之子嘗為辨正都監副使及監察寺
丞蕞姦摘伏應變如神人不敢欺其鎮合浦
也卒衆精鍊號令嚴明元使來觀致敬焉喜
觀書多識典故人有問者響應無疑卒謚貞
烈○永山君張沆致書都臺曰主上隆師內
學樂聞善道而儉邪弄權欺天罔上使刑政
不平害及無辜致傷和氣天降旱災餓莩載
路烏鴛犬豕之所爭食不可忍視若悉掩埋
且賑飢乏和氣可通豐稔可致也○置賑濟

都監王減膳以充其費又發有備倉米五百
碩令賑濟都監施粥餓人○遣慶山府院大
君盧頊請入朝○驚城君辛喬母奪人奴婢
其主乞還反歐之主訴整治都監遣吏捕其
家人又歐之都監囚喬弟大護軍珣杖之○
三月遣寧川府院君李陵幹如元賀節日三
司右使金邦海請改正先王之罪○夏四月
以弟眡為慶昌府院君○京城大飢疫道饑
相望遭運全羅道米一千四百碩賑京城及
忠清西海二道○六月興寧君安軸卒軸力

學工文時忠肅王被留于元四年軸謂同志
曰主憂臣辱主辱臣死乃上書訟王無他軸
虔心公正持家勤儉嘗曰吾平生無可補四
為士師凡民之屈抑為奴者必理而良之謚
文貞○上洛府院君金永暉卒○貶監察掌
令宋天逢為阜島勾當天逢劾奏評理全允
減身為輔相席寵恣橫不供其職交結養人
潛竊御膳皆歸其家又閔祥正訴先王于帝
以為不可君國而允減黨於祥正欲除冢宰
罪惡莫甚請加罷黜允減反譖而貶之臺官

皆辭職監察等詣闕請召還天逢政丞王煦
救之不得不視事政堂文學辛孟判密直司
事李公遂亦詣闕請之乃改為光陽監務○
秋八月獻納元松壽郭忠秀劾贊成事鄭天
起告身未出而公然入政房題品人物踈棄
正妻常在倡廢王怒下松壽忠秀于行省鞠
之罷其職宰相臺諫詣闕營救不得○冬十
月王不豫放囚廢務決於德寧公主○十一
月平壤君趙瑋卒忠肅王倦勤委政宰相瑋
存大體不務細瑣發言侃侃人服其公○十

二月丁卯王薨于金永晄第時辛裔田淑蒙
等相繼用事雖汰去北殿羣小不數月問親
姻故舊布列卿相代言鄭思度依阿進用久
在政房中外輻湊時人目裔曰辛王且母妃
盛年居中康久忠裴佺出入得幸秉政權作
威福王煦金永晄奉帝命欲整理舊弊卒為
久忠等所諂識者惜之○德寧公主命德城
府院君竒轍政丞王煦攝行征東省事○遣
護軍申元甫如元告哀○政丞王煦等遣李
齊賢如元上表曰國王乃於近日得疾而薨

舉國哀慟王年幼無後而本國隣於日本不
庭之邦不可一日無主今有王祺晉塔失里
王之母笏已嘗八侍天庭年十九王眡晉塔
失里王之庶子見在本國年十一伏望陛下
簡在帝心以浚民望

忠定王

諱眡蒙古諱速思監朶兒只忠惠王
庶子母禧妃尹氏在位三年壽十五

己丑

元年

元至正九年

春二月帝命忠惠王子眡入朝

慶陽府院君盧頤前判三司事孫守卿前贊

成事李君倭閔評尹時遇崔濡等奉眡如元
臺諫典法會議欲沮其行不得○三月丁酉
葬明陵○尹安之登元朝制科授大寧路判
官○夏五月戊戌元命眡嗣王位○六月王
命鐵城君李君倭聽斷國務○秋七月政丞
王煦自元還道卒忠宣王愛煦出入常同車
及竄于吐蕃煦欲以身代帝聞憐之及其薨
煦服喪奉柩東還既葬每月朔望私祭陵下
至沒身煦剛正莊重平生不妄語稍讀書通
大義雖下士必待之盡禮再為相以興利除

害為心及卒政丞盧頊憾整治之事沮官爨
又令沿路諸驛禁置樞正廳驛吏望樞涕泣
迎入祭之如父母後謚正獻配享恭愍廟庭
○流前密直金敬直于島貶前密直李承老
為宣州勾當前代言尹澤為光陽監務初忠
甫在燕邸澤上謁一見器重因有托孤之語
意在江陵大君祺後忠甫寢疾復以燕邸所
語語澤故澤拉祺素歸心遂與承老以民望
歸于祺乃獻書中書省言本國兄弟叔姪相
結之故幼君不敢保釐之狀王根之及嗣位

有是命敬直并嘗毀王故及○丙辰王至自
元帝遣學士雙哥護行是日即位于康安殿
○閏月甲子大風雨城中屋瓦盡飛儀鳳樓
頽松岳龍首兩山松盡拔○以盧頊僉議政
丞○咸陽府院君朴忠佐卒忠佐嘗按廉全
羅有嬖人稱內旨冒認良民為隸忠佐執不
許遂見讚杖沅後召為監察持平又為藝文
應教皆不就性溫厚儉約雖為卿相居室衣
服如布衣時好讀易老而不輟○遼王遣使
享王及德寧公主○八月罷整治都監○以

盧頊為右政丞孫守卿為左政丞○立王母
禧妃府曰慶順妃贊成事尹紬宗之女也○
九月遣贊成事李君佺如元謝襲位○醴川
府院君權漢功死○初王之宴獲哥也公主
南面王東面監察大夫李衍宗上書言其非
禮因有譴之者下左右司責問衍宗引禮訟
辨不屈○冬十月盧頊罷以孫守卿為右政
丞李君佺為左政丞○江陵大君祺在元尚
衛王女是為魯國公主○漢陽府院君韓宗
愈致仕時權倖用事宗愈退居其鄉非有事

未嘗至京師

庚寅

二年

元至正十年

春

二月倭寇固城竹林巨濟等

虜合浦千戶崔禪等戰破之賊死者三百餘人倭寇之興始此○以持平崔龍生為慶尚道按廉使尋以金有謙代之龍生疾宦寺輩恃寵上國流毒東民榜其惡以示國人御香使宦者朱元之帖木兒訴王及公主沮之○夏四月倭賊百餘艘寇順天府掠南原求禮靈光長興府漕船○五月倭賊六十六艘寇順天府我兵追獲一艘斬十三級○六月崔

濡與其弟崔源崔有龍叛奔于元先是濡拜
叅理裴佺謂濡曰爾為六宰我所薦也濡勃
然曰吾顧因爾力乎遂拳之濡又言拔王曰
援立之功無出臣右然由都僉議纔陞叅理
尹時遇以何功為密直拜三宰其父革係叔
父安淑亦皆嘗為三宰豈彼傳家之職乎閔
思平叱曰汝乃抄奴之後六宰拔汝極矣何
不知足濡怒歐思平王怒濡而不能斥時時
遇在王側弄權人目之曰尹王佺亦猶在公
宮用事如舊干謁者不因時遇必托佺監察

司劾濡思平相鬪遣所由執儒家婢以來濡
使奴歐所由奪婢而去僉議司亦劾之濡易
版圖判書源怨王有不遜語王下源于巡軍
命右政丞孫守卿鞫之源不肯就獄守卿強
致之令跪源不服曰政丞曾不知皇帝恟薛
固不可罵辱亦不可鞫問耶罵辱自有邦憲
拂袂而出遂奔元○倭賊數十艘寇合浦焚
其營又寇固城會源長興府○秋八月王以
誕日宴羣臣前贊成事尹桓提學郭珣以事
相頡桓攘臂歐珣○九月以李凌幹為川寧

府院君金光載為三司右使時先載提調政
房德寧公主頗多干預王不能制先載奮然
而出公主再召竟不應○遣左獻納白彌堅
前典客寺丞金仁琯應奉于元初田祿生亦
在解額嘗為整治都監官究治權豪故疾而
沮之○德寧公主如元

辛卯

三年

元至正十一年

春

正月

贊成事

李穀卒

穀韓山

吏早喪

父事母孝性端嚴剛正人皆敬之穀

與中朝文士交遊講劇所造者深為文章典
雅高古為華士所推讓卒謚文孝○二月祔

大行王于大廟○夏六月元使丑驢道遇政
丞孫守卿以館待之薄欲鞭之守卿走馬以
免○秋八月倭船一百三十艘來寇紫巖三
木二島焚其民舍殆盡又焚南陽府雙阜縣
遣萬戶元顥于西也面萬戶印璫前密直李
權于西江屯兵以備之又命璫等八海捕倭
權還白王曰臣非將又不食祿不敢奉命固
辭不行○以金先載為三司右使先載白王
曰文選吏曹主之武選兵曹主之揔于政房
自權臣始非令典請復舊制王從之○冬十

月壬午元以江陵大君祺為王遣新事官完者不花封倉庫收國璽以歸王遜于江華

史臣曰忠穆忠定皆以幼冲即位德寧禧妃以母之尊用事拔內姦臣外戚用事拔外二君雖有顓悟之資何能為哉且當忠定之時江陵大君親為叔父得國人之心又有上國之援諸尹不此之顧朋比逞欲釀成禍胎卒使王不幸遇鴆悲夫

德興君塔思帖木兒奔于元忠宣王孽子嘗為僧者也○王命前判三司事李齊賢攝政

丞權斷征東省事齊賢措置得宜人賴以安
○十一月倭寇南海縣○贊成事趙日新賁
批目還自元以李齊賢都僉議政丞趙日親
為叅理李公遂為政堂文學○權省李齊賢
下裴佺及朴守明于獄沅直城君盧英瑞于
可德島前贊成事尹時遇于角山貶贊成事
鄭天起為濟州牧使知都僉議韓大淳為棧
張監務○十二月祝忠惠王孽子釋冕髮置
萬德寺○庚子王及公主至自元帝遣失禿
兒太子護行壬寅謁景靈殿即位于康安殿

東國通鑑卷之四十五

東國通鑑卷之四十六

高麗記

恭愍王

諱顥古諱棋蒙古諱伯顏帖木兒忠
惠王母弟性嚴重且慈仁頗得衆心
晚年猜忌荒惑以及於禍在位二十
四年壽四十五

壬辰

元年元至正春正月監察司劾論贊成事全
允臧魯受人金被收逃八元令扈駕而來超
拜三宰但當賜錢以酬負綆之勞豈可擢置

宰輔二相曹孟清受人贈馬又行淫祀請皆
罪之不允○全羅道萬戶柳濯持軍嚴整不
擾州縣與士卒同甘苦賜教書衣酒勞之倭
寇萬德社殺掠而去濯以輕騎追捕悉還其
俘終濯在鎮寇不復犯○監察司啓諸君閑
居食祿請停俸從之○王解辮髮賜監察大
夫李衍宗衣褥時王辮髮衍宗聞之諫曰辮
髮胡服非先王之制願殿下勿效王悅即解
辮仍有是賜衍宗賢臣也以彰善瘅惡自任
雖威武不能屈號鐵石肝腸

臣等按衍宗姦諛柔佞憚邪之尤者也其
諫王解辦皆欺世盜名非出於忠謹當時
羣臣眩於是非至稱曰賢臣曰彰善癉惡
曰威武不能屈曰鐵石肝腸不有後日捐
日新之慶安知衍宗一生之真偽也哉
王欲躬裸大室判書雲事姜保以陰陽拘忌
上言今年不可親祀都堂責保曰祀大事也
汝何沮王又有姦臣告王大妃固止之○二
月罷政房歸文武銓注於典理軍簿○教曰
耆父之臣以予為忠宣之孫忠肅之子以德

以年合主宗祧獻書天子願奉為君天子採
其言故有今日之賜命顧以何德獲濟登茲
然屬時世陵夷風俗頽靡朝多幸位倉無宿
儲隣寇侵強乾文告寢若不克已勵精日慎
一日革邪偽去愴士用惻怛之誠行寬厚之
政何以報天子之德保祖宗之業慰慈闈之
心塞耆艾之望凡百在位尚克匡其不逮圖
惟厥終○宥裴佺

史臣河寬曰元惡大憝當置於法佺用事
於明陵以紊政刑其得免竄殛幸矣而至

於黷政之初曲貸其罪何以懲後
召典法摠郎鄭云敬左郎徐浩于內殿賜酒
二人守法不為權貴所撓故獎之尚書玄慶
進諫曰兩宮寢殿地禁甚嚴令外人出入無
制宮殿司門宦寺之職令使忽赤守之視事
之時陞衛宜謹令左右如市奏事未了已洩
於外掌刑之官不可昵近令云敬浩賜酒寢
殿皆有違於法王然之云敬嘗為福州判官
州有僧於瓮川驛路為賊所捶垂死驛吏問
其故曰予持布若干匹行見餉糞田者又見

耘田者俄有人自後厲聲曰我耘田者呼與語汝何不能未及對即擊之奪布去未幾僧死吏執耘田者告于州鞠之獄已成云敬自外還曰殺僧者恐非此人牧使曰已服矣曰愚民不忍鞠訊之苦恐怖失辭耳牧使令云敬更鞠之即召糞田主問曰汝餉糞田人時有言及僧者毋隱田主曰有一人言僧所持布可充酒價於是拘其人置外先鞠其妻曰吾聞某月某日而失遺汝布若干何處得之妻曰夫以布歸曰貸布者還之即詰夫誰貸

汝布者夫辭屈自服牧使驚問之云敬曰凡盜賊秘其迹惟畏人知其曰我耘田者詎也邑人皆服後牧全州有僧娶妻家居者一日出外為人所殺其妻訴于官無證久不決云敬視事其妻又來訴即問其妻有所私者妻曰無但隣有一男常戲曰老僧死則事諧矣於是執其男置外先鞠其母曰某月某而子在家耶出外耶母曰是日男自外來言與友人飲酒醉困即問其男所與飲者誰即自服○改大妃德慶府曰文睿置魯國公主府曰

肅雍○三月監察大夫李衍宗辭職不允衍
宗時年踰七十○崔濡金元之帖木兒等留
元謀欲騷擾本國乃奏請徵征南兵十萬帝
用其言遣濡徵兵時國人之在元者咸奏曰
高麗禍小方被倭患且地遠不可徵兵帝然
之召濡等還○辛亥前王遇鳩薨于江華王
之遜江華也典校令申德隣典校丞安吉祥
等四五人從行追捕繫巡軍唯朴思慎韓脩
從之供膳不充往來又絕憂愁號泣母禧妃
請于往見之留數日還而及訃至都都人莫

不流涕前王嘗夜與近侍相戲謔達曙或以
墨灑侍學官衣或有近女而行者便生妬心
雖宰相至見撞擊徃徃以鉄椎擊人幾死或
於冬月取冰置水和凍飯食狂悖類此

臣等按前史書前王遇鵠而薨不言鵠之
者之名其辭隱而不白然既書前王遜于
江華繼書遇鵠而薨此事以觀恭愍不得
辭篡弒之罪矣

李齊賢辭職不允趙日新挾元從之功暴橫
驕恣以齊賢居右深忌之○命內府少尹金

暉南率戰艦二十五艘禦倭至楓島遇賊船
二十艘不戰而退至喬桐又望見賊船甚盛
遂還西江請濟師與倭賊戰于寮梁安興長
岩等處獲賊船一艘王除暉南左常侍○瑞
州防護所獲倭船一艘殲之○趙日新啓曰
殿下之還國也元朝權倖聯姻于我者請官
其族既托於上又囑於臣今使典理軍簿掌
銓選恐有司拘於文法多所阻滯請復政房
從中除授王曰既復舊制未幾中寢必為人
笑卿以所托告我我諭選司誰敢不從日新

奮然曰不從臣言何面目復見元朝士大夫
遂辭職○倭船大至金暉南兵少不能敵退
次西江告急鷹揚軍上將軍金鑪調發諸領
兵婦女欄街痛哭都城大駭又歛百官坊里
民戶軍糧及箭有差○倭焚喬桐甲山峩前
代言崔源與戰獲賊船二艘○典理判書白
文寶上疏論選法請行宋司馬光十科舉士
之制○閏月罷監察執義金珪持平郭忠秀
掌令慶弇興初監察大夫李衍宗奸巧善揣
摩伺候屢言時事趙日新恃功專恣衍宗置

不劾院使竒轅譏之曰此老罔聞知耶何不
察是非衍宗曰近劾益清允臧若彈李齊賢
與日新則王誰與議事至是科等以衍宗附
日新不與議而劾日新衍宗嘆之日新請與
臺官廷辨王命衍宗與政堂文學李公遂聽
兩造于內廷衍宗手執彈章條問之科曰公
長憲司既不彈舉罪人反問我輩耶衍宗慙
恚科忠秀又囚日新家奴于典法獄日新破
獄出之反訴臺官命科等勿仕衍宗承命坐
臺恐糾正不庭迎坐司外遂劾科忠秀及千

興王嘗夜召齊賢咨訪國事因語之曰衍宗
多詎人也

史臣曰王聰明慈仁可與有為之君也故
方其初政臺官思振憲綱以復古風王之
左右挾其負洩之勞妬賢疾能而日新尤
甚暴橫衍宗身為憲長反附日新遂劾科
等以沮之於是羣小日進忠良日退政日
以紊雖有天資之美何補於治哉

李齊賢避日新之忌三上書辭職不許○李
衍宗棄官歸初衍宗附趙日新得拜是職及

日新見劾恐禍及已潛歸田里

史臣曰甚矣小人之難知也尚非至明何以照其姦哉衍宗之諫王辮髮也史補之曰賢臣也雖威武不能屈其効科等也史目之曰老而姦諛夫威武不能屈豈姦諛者所可為也之二史皆一時目擊其人而書之也毀譽若此之不同豈私於衍宗苟焉以毀譽之也耶蓋衍宗善於揣摩而飾詐以釣名者比事以觀可以想其為人也益清允臧均為隨從而氣炎熾赫然其固

寵而凶狠非日新之比故首論之以示不
憚威勢知王之銳之于治而可以納諫也
故辯髮非大過也而獨諫之以示敢言不
諱奇轅譏其不言則以齊賢日新並補而
托以王無可與議事也見日新之將及於
敗則先幾引退而規以遠禍也非揣摩之
工而巧於飾詖者曷能若是哉是故雖當
時史臣尚不知其黨惡而反以彰善瘴惡
譽之其小人之難知也如是夫而王語齊
賢曰衍宗多詖人也則王之照姦之明何

其至矣狎恨其知之明而不能去之使盜
其自去之名也由是懷詐取寵欺君誤國
有如眡者無復憚焉卒陷於昏暗而不寤
也嗚呼惜哉後之馭小人者可不監諸○
夏四月王以佛生日燃燈禁中飯僧一百奏
妓樂以觀○罷右副代言金得培左副代言
柳淑先是元丞相脫脫遣使以書戒王勿用
儉人贊成事趙日新知申事崔德林要其使
者云淑與得培居中用事使者白玉罷之○
王將幸行省賀聖節院使竒轅欲並馬而語

王命衛士分衛前後使不得近○李穡服中
上書言時事曰正經界曰禦倭寇曰論文武
曰崇學校曰抑異端其抑異端曰佛氏入中
國王公士庶尊而事之自漢迄今日新月盛
肆我太祖化家為國佛利民居叅伍錯綜中
世以降其徒益繁五教兩宗為利之窟川傍
山谷無處非寺不惟浮屠之徒浸以卑陋亦
是國家之民多於游食識者每痛心焉佛大
聖人也好惡必與人同安知已逝之靈不恥
其徒之如此也哉臣伏乞明降條禁已為僧

者亦與度牒而無度牒者即充軍伍新創之
寺並令撤去而不撤者即罪守令庶使良民
不盡髡緇臣聞殿下奉事之誠尤篤於列聖
其所以祈永國祚者甚盛甚休然以臣之愚
竊惟佛者至聖至公奉之極美不以為喜待
之甚薄不以為怒况其經中分明有說布施
功德不及持經聽政之餘怡神之暇注目方
等留心頓法無所不可但為上者人所則效
虛費者財所耗竭防微杜漸不可不慎孔子
曰敬鬼神而遠臣願於佛亦宜如此

臣等按晉傳奕論佛氏之非蕭瑀曰佛聖人也非聖人者無法不免後世之譏令禱之疏名曰抑異端一則曰佛大聖人也一則曰佛至聖至公也似抑而實揚諷一而勸百欲免佞佛之誚得乎

王叢火山於禁內陳雜戲趙日新與王同倚欄觀之廵軍府嘗以事囚理問裴佺家奴日新領卒五十餘人呼府吏令釋之吏不聽乃歐之囑萬戶洪裕竟釋之日新又以讒鞠都評議錄事金德麟等皆除名禁錮王知不可

不得已從之國人亦畏其勢莫敢言其弄權
自專類此○五月王以誕日設道場于內殿
三日宰樞欲上壽王曰宴必殺生其以宴錢
飯僧一千于地藏寺王方信佛百官皆為王
說祝壽齋○召僧普虛于益和縣引八內問
法普虛曰為君之道在修明教化不必信佛
若不能理國家雖勤於佛有何功德無已
則但修太祖所置寺社慎勿新創又曰君王
去邪用正則為國不難矣王曰予非不知邪
正但念其從我于元皆効勤勞故不能輕去

此乃寡人所難也。普虛號太古。○六月王受
菩薩戒于康安殿。○諫官上疏曰：閹人授檢
校官食祿者太多，請加汰減。○倭寇全羅道
知益州事金輝等領舟師擊之，不克。沃滿監
務鄭子龍坐逗留不進杖配突山烽卒。○秋
七月癸酉葬前王于聰陵，葬具多闕。○吉昌
府院君權準卒，準謁忠宣王于元恩，寵愈隆。
賞賜無算，及忠肅與瀋王相持，羣不逞多附
瀋王，準守義不寢。曹頤之亂，準閉門不出，性
純重寡言，笑儀表秀偉，望之巍然，可尊然倚。

勢占奪土田招納賄賂以致鉅富識者譏之
○八月王與公主幸福寧寺自是數幸寺院
○命典法司開城府選軍都官凡所決訟五
日一啓○始開書筵教曰元老大臣大夫士
輪番入侍進講經史法言○印承旦八侍書
筵請罷辨整都監王不應但曰穿窬夜行惡
月之明時權豪奪幾縣公田承旦所占尤多
辨整都監収其田仍追累年之租故承旦惡
之他日金永煦又請罷之王曰予欲聞嘉言
故設書筵卿等所言實乖予心遂稱疾入內

○福安府院君權譙如元納女于皇太子○
九月以趙日新判三司事○下大護軍成士
達于獄以在政房私授四十餘人職也○趙
日新作亂犯行宮殺宿衛臣僚時日新召其
黨前贊成事鄭天起及崔和尚張升亮等十
餘人于其家募閭里惡小謀去奇轍奇輪奇
轅高龍普朴都羅天李壽山等乘夜分捕之
唯執轅斬之餘皆逃日新率其黨趣星入洞
圍時御宮殺直宿判密直司事崔德林上護
軍鄭桓親從護軍鄭己祥等衛士驚駭日新

曰毋恐但除諸惡小輩耳遣人殺上護軍洪
義于其家拔劍擊之其妻遽敝以身義得不
死日新刼王開御寶自為右政丞以鄭天起
為左政丞李權判三司事羅英傑判密直司
事張升亮為鷹楊軍上護軍官其黨有差又
以裴天為平壤道存撫使張元碩為江陵道
存撫使劉廣大為鉄嶺防護使李壽長為義
州防禦使又使朴西韓範等封義城德泉二
倉與高忠節崔尚和等刼金逸逢安震黃順
李濟使之從已又令大索輒等捕其母妻逮

繫滿獄兵交於路王與公主移御泉洞別宮
衛士皆賊黨國人危之○冬十月辛丑趙日
新乃欲歸罪其黨以自免夜與崔和尚入直
至曉徐謂和尚曰公佩劍甚良請觀之和尚
曰此劍殺人固多乃抽與之日新因以其劍
斬之遂勸王親出捕賊王起之不許日新固
請曰安有無頭而濟事者乎王不得已帶劍
幸十字街百官始聚捕斬張升亮等八九人
梟首于市下天起于獄斬其子摠郎明道○
趙日新伏誅日新自加贊化安社功臣號號

令內外朝臣恟懼噤無一言王移御丹陽大
君第行過高羅里日新馬上獻觴于王及大
妃公主王密召前左使李仁復曰事已至此
何為則可對曰人臣敢倡亂固有常刑況令
天朝堂堂法令彰明如其猶預臣恐累及於
上王遂決議誅除至是王幸行省會耆老密
議命金添守執日新外出行省門外斬之囚
其親黨鄭乙韓李權羅英傑高忠節李宗李
君常朴曦蔡河老等二十八人賊黨趙波迴
亡匿聞老母繫獄自來斬之是時連日陰霾

及日新伏誅天日開霽○以李齊賢為左政
丞曹益清為左政丞貶洪鐸為檜原縣令鄭
乙輔為光陽監務李權為濟州牧使鐸日新
妻父也○十一月百官上書征東省曰賊臣
趙日新潛圖不軌擅自起兵謀去奇氏攻破
其家闡入王宮殺害左左恣行暴虐自知罪
不容誅又恐姦謀敗露反殺同黨崔和尚等
滅口自靈扶王上馬又捕其黨揚言為功自
為政丞居王左右常露刃使氣潛蓄異謀多
結黨援賴我王默幹神騎假以辭色以伺其

寢不露兵刃而日新就戮伏望聞于宸聰明
正典刑以懲後來○元遣宗正府常判梁烈
帖木兒吏部尚書不花帖木兒來鞫趙日新
之寢○杖流金鑪于海島日新之亂衛士多
中傷鑪直宿于內狎免又不捍禦物議紛紜
王亦疑之有是命

臣等按易曰履霜堅冰至夫亂賊之徒陰
圖不軌非一朝一夕之故其所由來者漸
矣趙日新嘗蓄無君之心暴橫驕恣弄權
自專不待行宮之寢而知其有反亂也行

宮之憂宿衛將士皆被殺戮鏞獨免焉鏞之亂逆又豈待興王之憂然後知也哉當日新之構逆鏞亦與謀王不辨之於早馴致堅冰之禍豈不深可惜也

巳癸

二年

元至正三年

春正月親裸大廟○以洪彬為

右政丞曹益清為左政丞李公遂為贊成事遠衷為監察大夫○三月元遣宗正府府斷事官哈兒章兵部郎中剛升等來斬鄭天起高忠節廉伯顏帖本兒郭允正李君常李龜寵籍其家又斬徒黨朴西等十四人杖曹用

權等十七人政堂文學安震密直提學李濟以年老免杖贖銅又以趙日新妻子給奇天麟為奴婢○夏六月右政丞洪彬辭職王遣內人起之彬杜門不出宰樞會其家請之乃視事○秋八月元遣巒巒太子定安平章等來賜孛兒札宴于壽后母李氏先是王表請曰竊聞皇朝之法有所謂孛兒札者合姻婭之權為子孫之慶望為大夫人李氏舉盛禮示殊恩遂賜是宴王與公主幸延慶宮公主太子南面王坐西李氏坐東王行酒先跪獻

太子太子立飲太子行酒獻李氏次王次公
至宴將闌使者僦人升坐西階衛士東階置
肉爭敢較勝否食多而先已者為勝宴罷皆
下庭連袂立使者西竒轍權譙等東各奏胡
歌蹈舞而進俱會庭心以紵絲一匹連執環
立歌舞旋回者數四斷其所執段段而分是
宴剪布作花凡五千一百四十匹他物稱是
時國用罄竭貸永福都監布又貸富民且使
价絡繹館舍難容皆館於宰樞之家凡三十
餘所○冬十月遣蔡河中如元賀千秋節軍

薄判書金希祖賀冊太子以李穡充書狀官
穡遂擢制科讀卷官翰林承旨歐陽玄見穡
對策大加稱賞遂擢第二甲第二名勅授應
奉翰林文字承仕郎同知制誥兼國史編修
官○十二月罷刷卷都監時人貸官錢逋欠
者多故置都監徵之延及族屬隣里倍收其
本入甚苦之前判密直司金逸逢以上書極
言其弊請罷從之

甲午

三年元至正四年春正月蔡河中為右政丞以廉
悌臣為左政丞姜千裕判三司事李仁復為

政堂文學○二月德寧公主還自元○以蔡
河中領都僉議廉悌臣為右政丞柳濯為左
政丞○夏四月倭掠全羅道漕船四十餘艘
○六月蔡河中還自元傳丞相脫脫言曰兩
國相好已久今漢賊大起吾受命南征王宜
遣勇銳助之河中在元謀復為相會元征紅
巾等賊旁求勇士河中請還國出兵助征乃
薦丞相柳濯廉悌臣等有勇略遂與李壽山
先元使以來壽山宣帝旨於王曰河中諳諫
可使河中亦傳帝旨曰壽山頽悟王其用之

○以蔡河中僉議政丞李壽山廉仲祥僉議
評理廉梯臣為曲城府院君柳濯為高興府
院君王逼脫脫勢罷梯臣用河中監察司不
署河中告身累月乃出○漢陽府院君韓宗
愈卒宗愈自幼瞻覲異常魁顏偉幹望之儼
然知其為公輔冠其未達也與一時名士相
往還羣飲無虛日醉則起垂袖為舞歌楊花
詞曰待如晦清風飛揚到黃閣中識者皆異
之性厚重喜談笑樽俎間和氣由然可愛處
事接物皆有餘裕謚文節○元遣吏部郎中

哈剌那海等來脫脫丞相以帝命召柳濯廉
梯臣權譙元顥羅英傑印璫金鑪李權康允
忠鄭世雲黃裳崔瑩崔雲起李芳實安祐等
四十餘人及西京水軍三百且募驍勇期以
八月十日會燕京將以討高郵賊張士誠又
遣工部寺丞朴賽顏不花賫寶鈔六萬錠賜
赴征將卒○以印璫為碩城府院君李權為
五原府院君羅英傑為錦城君孫佛永為敦
城君金鏡為義城君金鑪為安城君安祐為
鼇城君崔源為龍城君印安為延城君崔安

守為咸城君具貞為沔城君趙忠信為祥原
君其餘將卒並加爵秩自募者皆超三等授
職諸司三四品皆添設六部判書摠郎除政
曹外皆倍數添設四十二都府每領又添設
中郎將郎將各二人別將散貲各三人以授
之謂之賞軍政添設之職始此○令百官及
各宗僧徒出馬有差使軍士平價以布時赴
征軍官奪民馬或多抑買行者禁之不止○
秋七月柳濯廩悌臣等四十餘人率軍士二
千餘人如元王幸迎賓館親點送之及至鴨

綠江康允忠謀於衆曰吾等離親戚左墳墓
以就死地何日而旋歸乎欲以精騎五十還
入京斬始謀發兵者乃告庶弟臣悌臣曰非
計也吾君天也天其可逃乎且忠臣義士豈
有反側之言乎遂與濯等間道疾行時元所
召四十餘人皆將相之有名望者且精兵銳
卒並皆從征宿衛空虛王疑懼募弓手于西
海道以備不虞元遣中尚監丞崔濡來督
赴征軍士兼求撿幹濡嘗逃奔于元及王即
位東還扈駕行至遼陽還逃入元至是歸拜

三司右使○蔡河中議罷糾正分臺監諸倉
庫王嘿然○前右政丞廉悌臣還自元時王
遣使請還悌臣帝曰悌臣高麗大臣其禮而
遣之○冬十一月印安還自元言天師脫脫
領兵攻高郵城柳濯等赴征將士及國人在
燕京者摠二萬三千人以為前鋒城將陷韃
靼知院老長忌我國人專其功令曰今日暮
矣明日乃取之麾軍而退其夜賊堅壁設備
明日攻之不克拔會有人譖脫脫帝流脫脫
于淮安自後南賊日盛我軍陷六合城又移

〔未〕

防淮安路李權崔諒等六人戰死崔瑩力戰
身被數槍十二月以蔡河中領都僉議司
事李齊賢為右政丞洪彥博為左政丞李齊
賢辭職不允

四年

元至正五年

春二月元來錫公至號丞懿

全羅道按廉鄭之祥囚元御香使桡思不花
于全州王下之祥獄不花本國人也入元有
寵於帝其兄徐臣桂為六宰其弟應昌為上
獲軍檀作威福舉國畏之至是不花降香諸
道所至縱暴存撫按廉使多被辱罵莫敢違

忤之祥迎候恭謹不花待遇甚倨接伴使洪
元哲有托於之祥之祥不聽元哲激怒不花
曰之祥輕天使不花縛辱之之祥即憤恚大
叫紹邑吏曰國家已誅奇不復事元命以金
敬直為元帥守鴨綠江此使者可擒也若等
何畏而不我救邑吏呼噪而入解縛扶出之
祥遂率衆執不花元哲等囚之奪不花所佩
金牌馳還京道過公州執其弟應昌以鐵椎
槌之數日而死之祥來白于王王驚愕下巡
軍獄即命行省貲外郎鄭暉捕全州牧使崔

英起及邑吏等又遣車蒲溫還其牌于不花
○夏四月倭掠全羅道漕船二百餘艘○五
月元遣斷事官買往來鞫鄭之祥○冬十月
沅密直副使任君輔于濟州初宦者金伯賴
帖木兒詎傳王旨以君輔為內乘提調事覺
金鏞鄭世雲忌君輔有寵因譖沅之○十一
月降全州為部曲以囚桀思不花也○十二
月沅都僉議司事金鏞于濟州鏞與贊成事
金普爭權韋普丁母憂陰勸征東省都事崔
介上書於王請令百官行三年喪鏞等矯旨

下其書都評議司逼令施行王悉知其狀流
之遂罷三年喪○我

桓祖以雙城等處千戶來見王曰乃祖乃父
身雖在外乃心王室我祖考實寵嘉之令卿
無添祖考子將王汝於成矣雙城地頗沃饒
東南民無恒產者多歸焉本國聞于中書省
奉聖旨差官來遼陽城亦差官來王遣省郎
中李壽山往會分新舊籍民謂之三省照勘
戶計其後無綏失宜稍稍流徙命
桓祖主之民由是得安其業

丙申

五年

元祐

至六年

春

二月

元賜王

功臣

號曰

親仁

保義宣力奉國彰惠靖遠平章奇輟適自遼

陽來覲母作詩賀王不補臣○遣福昌府院

君金永照如元謝功臣號○飯僧普愚于內

佛堂普愚即普虛寓廣州管內述元莊白王

陞述元為縣置監務主彌令監務但進退而

已廣占田園牧馬滿野皆以內乘補雖害禾

穀人不敢逐○三月甲申日無光中有黑子

乙酉亦如之王及公主奉大妃如奉恩寺聽

普愚說禪施幣銀鉢繡袈裟積如山兵士女

奔波猶恐不及侍女僧徒雜還無別○我
桓祖來朝王曰撫綏頑民不亦勞乎奇氏族
倚后勢暴橫人有密告奇輒潛遁獲城叛民
結為黨援謀逆王諭

桓祖曰卿宜歸鎮吾民脫有變當如吾命○
夏四月癸酉封晉愚為王師立府曰圓融置
官屬左右司尹丞舍人注薄左右寶馬陪指
諭行首又邀于延慶宮行師弟禮其儀衛擬
於鹵簿又引入內殿大妃公主喜慶泣下侑
茶果公主遺琉璃盤瑪瑙匙等物時僧徒求

寺者皆附愚干請於王王曰自今禪教宗門
寺杜住持請師注擬以聞寡人但下除目爾
於是僧徒爭為門徒○五月元遣奇完者不
花來冊榮安王為敬王○奇輟權謙盧頊等
謀反伏誅時謙頊俱納女于元有寵輟與謙
等聲勢相依知天下亂自念積惡斂怨恐一
朝勢去難保預謀自安以親戚腹心布列權
要陰樹黨援將圖大逆閱諸道兵兇詐為詔
使煽動訛言密諭期會約以舉事王先知之
託以曲宴召宰樞皆會于闕命判密直洪義

等召轍頊譙及轍子贊成事有傑姪少監完
者不花譙子萬戶恒舍人和尙頊子行者郎
中渚等轍譙先赴召密直慶子興黃石奇判
事申請等密白王曰二人已至其餘子姪及
頊父子未至若事洩復起不虞不如早圖王
然之即令密直姜仲卿大護軍睦仁吉歹達
赤李蒙古火等伏狀士出不急椎擊轍應手
而赴譙走避追殺于紫門血濺宮門遂殺轍
傑從二人奇權麾下浪狽四散禁衛四番軍
士一時俱發兵刃盈路仲卿等率兵至頊家

捕殺之有傑完者不花渚恒和尚等支黨皆
逃宮城戒嚴遂釋鄭之常為巡軍提控仍許
侍衛以洪彥博為右政丞尹桓為左政丞元
顥為三司事許伯黃石奇為贊成事金普門
韓可貴為三司左左使金逸逢金鏞印璫為
僉議評理顥有傑之妻父也欲彥博執權
柄嘗譖彥博有異志至是又譖可貴及沔城
君具榮儉不為追捕奇權盧支黨於是下三
人獄辨對王素惡顥使李蒙古大殺于獄中
又命斬可貴榮儉于市榮儉後妻張以穢行

見棄張寅緣近韋諧于王王尋知非辜追止
之不及榮儉古名貞時可貴等被讒見殺人
皆疑懼又命中外搜捕有傑等沒八三家奴
婢于義成德泉有備等舍教曰奇輟盧頤權
譙等不念元朝存恤之意先王劉垂之法席
勢以陵君肆威以毒民罔有限極予以連姻
帝室於其所言一皆勉從猶為不足潛圖不
軌欲危社稷韋賴天地祖宗之靈輟等俱已
伏辜兇黨之在逃者奇有傑完者不花盧渚
權恒和尚等罪在不原韓可貴具貞等不從

國令故縱反者是用俱置典刑有能捕告反者以本人家財量功充賞外餘人所犯一切除之輒等占奪人口土田訐人陳告各還本主尋獲有傑完者不花渚和尚斬之恒以素不挾勢免死沅濟州輒妻金氏携幼子賽因祝髮而逃亦被擒繫巡軍賽因尋死沅其黨金寧君金普密直副使李也先帖本兒行者負外趙萬通同僉洪翔贊成事黃河行評理李壽山密直王重貴代言黃河晏護軍黃河堤前代言洪開道杖前密直仕君輔等數人

翔及河衍尋賜死○罷征東行中書省理問
所○以評理印璫同知密直姜仲卿為西北
面兵馬使司尹辛珣俞洪前大護軍崔瑩前
副正崔夫介為副使攻鴨綠江以西入站密
直副使柳仁兩為東北面兵馬使前大護軍
貢天甫前宗簿令金元鳳為副使收復獲城
等地璫先發郊外仲卿被酒後至使氣璫止
之不聽又至餞亭亦如之璫目辛珣拔劍斬
之遂報王曰仲卿有二心故處以軍法國家
莫知其故物議紛紛初龍津人趙暉以獲城

等地反八元至是王欲收復命仁兩等與江陵道存撫使李仁任往擊之○六月印璫引兵到鴨綠江攻破婆娑府等三站○獲城人趙都赤來朝賜金牌授高麗獲城地面管軍千戶柳仁兩之討獲城也兵次登州去獲城二百餘里逗留十餘日獲城人趙小生趙暉從子也聞變與千戶卓都卿召暉暉至小生舉兵為拒守訃初暉曰令事急矣叔父仕高麗為累寵所寵待今日叔父南向高麗則獲城之地十二城誰肯從我乃與都卿逆腹心

驍健者三十人衛暉實拘之也仁任說仁而
曰暉雖小生叔父心在朝廷必不與逆豎同
叛今以王命諭之必來暉來獲城可傳檄而
定逆豎之首不足血也仁而然之遂以蠟書
遺暉暉見書秘之伺間未得暉少時見獲城
人趙都赤英使與之交游深結懽心及是都
赤以百戶為小生謀主暉諭都赤曰今而豎
所以拒朝命者以汝為腹心也汝本高麗人
爾祖與吾祖皆自漢陽來今背本國從逆豎
獨何心哉棄逆從順去危就安功臣富貴此

其時也汝其圖之都赤泫然泣下舉手指天
曰叔父活我矣公且先吾從之遂來朝乃授
是職○元使真省舍人賁奇輟太司徒宣命
印章來西也面兵馬副使辛珣遇諸道奪宣
命印章囚舍人殺僉從三人舍人夜逃○王
聞前護軍林仲甫欲奉釋兇潛圖不軌即繫
巡軍按治薛連前政丞孫守卿前密直洪峻
監察大夫孫湧黃淑卿典校令鄭世功前判
事金成洪桂等十餘人悉逮繫獄獄官詰仲
甫曰汝識孫湧乎曰不知遂釋之斬守卿桂

仲甫成放釋兇于外貶贊成事康允忠為東
萊縣令杖漢陽尹洪仲元及鄭世功薛起宗
姜贊張萬林朱雲等蓋以黨守卿也○傳至
正年號○秋七月復舊官制以洪彥博為門
下侍中尹桓守門下侍中○東北面兵馬使
柳仁兩與我
桓祖攻破獲城遂復咸州以北諸鎮擢趙暉
為禮賓卿賜第于京初暉說降趙都赤一夜
馳二百里詣仁兩營曰二豎勢窮將北走獲
城人皆竄伏山谷今大軍遽至必駭不下清

野無食為公計莫若先遣吾長子仁璧往彼
招集仁兩然之乃使仁璧徇獲城獲城人聞
其來皆喜相告曰趙別將來吾屬更生矣相
率來降犒迎官軍曰高麗王真我至也初王
聞仁兩逗留授我

桓祖少府尹遣兵馬判官丁匡桂諭令內應
桓祖聞命即銜枚就行與仁兩合兵仁兩等
遂進兵攻破獲城總管府趙小生卓都卿棄
妻子逃入伊板嶺北五石之地於是按地圖
收復和登定長預高文宜州及宣德元興寧

仁耀德靜邊等鎮諸城蓋咸州以北哈蘭洪
獻三撤本為我強自高宗戊午沒于元凡九
十九年令皆復之○柳仁兩殺管軍千戶趙
都赤仁兩之初至也端州以北千數百里靡
然南向仁兩貪財殺戮及都赤來見王使往
撫女真仁兩忌而殺之仁兩麾下張天翻亦
濫殺無辜掠牛馬財產奪人妻妾並人歸附
之心遂阻○元遣中書省斷事官撒迪罕詔
曰高麗自我世祖混一之初灼知天命舉國
臣服爰結婚親于今百年通者姦民遽生邊

釁越我封強擾我黎庶焚我傳舍阻我行人
揆諸天憲討戮何疑尚慮叢甬賊徒或得罪
爾邦逋逃嘯聚或從他國妄稱汝民盜用兵
戈以間世好若不詢問情偽大兵一臨玉石
俱焚誠所不忍爾其毋生疑貳茲爾士卒就
便招捕或約我天兵併力夾攻期於靖國安
民永敦前好具悉奏聞○殺西北面兵馬使
印璫附表撒迪罕奏曰竊有小邦邈處東極
隋唐之盛羈繫而已世祖龍興灼知天命首
先歸附世著微勞東漸恩澤日新月盛不意

賊臣竒轍與盧頊權譙謀為不軌生我禍階
切詳撤等連姻掖庭假威天朝氣焰熏天脅
制國主人有人不奪不已人有田土以不奪
不饜臣畏天朝一不敢問羣黎百姓怨豈在
明轍等自知罪盈惡積人所不容而又妄意
天下擾攘甲兵方熾一朝勢去身不能保乃
謀自安務固其權中外官司皆置親黨凡曰
要職無腹腹心擅造兵荒間習射御公然為
之不小隱匿扇動訛言惑亂衆聽今年五月
十八日召集無賴一時俱起舟載兵荒已至

江口又令數輩詎為天使稱有詔旨已至營
門將欲殲我君臣以逞已欲安危死生間不
容髮尚賴聖德粗能應變既獲賊徒恐有他
寢不暇申聞俱致於法誠惶誠恐無他措躬
又慮邊鄙之民乘釁妄動或有姦人往來亂
我情實故置閑防以謹出入而其吏士過江
劫掠實非本意考其罪人已正邦典伏望弘
天地之仁霽雷霆之怒○八月沅癸河中于
順天印承旦于保安貶鄭珣為清州牧使○
九月以廉悌臣為西北面都元帥金之順柳

淵副之王誅奇氏畏元有譴賜悌臣等貂裘
金帶有差授鉞遣之謂曰卿行之後吾不此
顧矣其治軍政芻糧為先城堡次之器械次
之○都堂令百司議幣諫官獻議曰本國近
古以碎銀權銀瓶之重以為幣而以五升布
翼以行之及其久也不能無幣銀瓶日衰而
至于銅麻縷日羸而不成布議者欲復用銀
瓶愚等以為一銀瓶其重一斤其直布百餘
匹令民家蓄一匹布者尚寡若用銀瓶則民
何以貿易哉或議曰宜用銅錢然國俗久不

用錢一朝遽令用之民必興謗或曰宜用碎銀然散出民間而無標誌則貨幣之權不在於上亦為未便令銀一兩其直八匹宜令官鑄銀錢錢有標誌隨其兩數輕重而準帛穀多寡比之銀瓶鑄造易而用力少比之銅錢轉輸輕而取利多官民軍旅庶幾有便凡產銀之所復其居民令採納官其國人所蓄銀器悉令納官鑄錢以與之并用五升布則公私便矣千戶丁臣桂領兵過伊板嶺與女直軍戰敗之虜其魁帖木兒傳首于京以

我桓祖為大中大夫司僕卿賜第一區冬十月元復遣撒迪罕等詔曰昔我世祖混一區夏爾高麗國率先効順建為東蕃請婚帝室帝亦允從今將百年錫貢相望靡有間言茲夏爾國游兵入我強域毀我驛置邊人不寧是用遣使往告願由使還附奏具稱近者境上乘間侵軼之徒已定其罪又言事釁之生在於倉卒志圖靖難不及稟命其間應寢之狀中書悉以告朕肆朕察其事情追惟我祖

宗憫下之惠先臣慕義之誠詎以一眚輒虧
舊恩然裁以至公若爾初獲首事具罪以聞
善善惡惡朕與天下共之奚肯徇私以紊大
法如云倉卒不遑陳奏事定之後盍先馳聞
事既已往況能悔罪陳情茲示寬容特釋爾
咎自今伊始小心敬慎率順彝章勿替朕命
○遣政堂文學李仁復如元上表謝又上書
曰竊惟世皇征東令國王為丞相行省官吏
委國王保舉不入常調非他行省比其後續
立都鎮撫司理問所儒學提舉司醫學提舉

司比來省官皆托婦寺濫受朝命擅作威福
小邦有監察司典法司掌刑聽訟糾正非理
而省官聽人妄訴拘取諸司所斷文卷以是
為非莫敢誰何人疾之如狼虎況今省官有
與逆賊謀者願自令其左右司官令臣保舉
勿蹈前弊其理問司等官司一切革去世皇
東征日本時所置萬戶中軍右軍左軍耳其
後增置巡軍合浦全羅耽羅西京等萬戶府
並無所領軍徒佩金符以誇宣命召誘平民
妄稱戶計勒令縣官不敢差蒞深為未便如

蒙欽依世祖皇帝舊制除三萬戶鎮守日本
外其餘增置五萬戶府及都鎮撫司乞皆革
罷朝廷使臣及府寺院監司所差人吏多是
小邦之人不務宣上德意專要誇耀鄉閭威
福自恣恩讎必報屈辱宰相陵犯國王經年
不還增娶妻妾無惡不為金剛山諸寺歲再
降香勞民生事反戾陛下求福之意亦宜停
罷獲城三撤元是小邦之境先臣忠憲王時
趙暉卓青等犯罪懼誅誘致女真乘我不虞
殺戮官吏繫縲男女皆為奴婢父老至今言

之流涕指為血讎比來逆臣竒撤盧頤權譙
等交結酋長召集逋逃及其謀逆約為聲援
輟等既死支黨多奔于彼故令搜索彼反用
兵助逆勢不獲已而致行師其惣管趙小生
千戶卓都卿令在逃竄竊恐構釁生事恭惟
朝廷薄海內外莫非王土尺寸不毛之地豈
許彼此哉伏乞歸我舊疆獲城三撤以止許
立關防祖王以來庶孽之子必令為僧所以
明嫡庶之分杜覬覦之萌今有塔思帖木兒
自謂忠宣王孽子亦嘗剃髮及長還俗奔于

京師誘致本國羣不逞之徒扇起訛言眩惑
人心若此人者其於朝廷豈有小益乞將此
人及其黨與黜還本國○濟州加乙赤忽古
托等叛殺都巡問使尹時遇收使張天年判
官李陽吉○十一月洪彥博免流尹桓許伯
柳濯以李齊賢為門下侍中齊賢辭不允○
西止面都元帥守侍中廉悌臣上箋辭不允
悌臣復上箋論軍務數事又辭不允○李穡
仕於元為翰林院權經歷五年至是以母老
棄官歸上書言時政八事其壹罷政房復吏

兵部選也王嘉納遂以樞為吏部侍郎兼兵部郎中以掌文武之選

丁酉

六年元正七年春正月王以奇轍等衣服綵帛

賜兩府侍中李齊賢辭以無功不受○王邀

普愚于內殿賜黃金五十兩金線一匹○王

如奉恩寺謁太祖真殿卜遷都漢陽動靜王

探珙得靜字更命李齊賢卜之乃得動字王

喜曰卿裡祀得吉卜實副予心○命修中外

學校○二月命李齊賢相宅于漢陽等宮闕

僧普愚以讖說王曰都漢陽則三十六國朝

王惑其說故有是命開城尹致仕尹澤上言
妙清惑仁廟幾至覆國願鑑不遠矧今四境
有虞訓兵養士猶懼不給興工勞衆恐傷本
根○以彥陽府院君金敬直為西北面都元
帥○夏五月李齊賢致仕○命寫無逸篇賜
宰臣命尹澤講澤因陳周公輔成王之勞乃
言曰願殿下法成王之聽周公之訓嚴恭抑
畏杜稷之福王為改容後澤以大學衍義及
本朝崔承老上成宗書乞進講時王深信釋
教超然有物外之想澤曰殿下上奉宗廟下

保生靈柰何欲効匹夫廢絕倫理之事如聽
臣言非孔子之道則不可願加聖意近臣又
有議進卿樂于元澤上疏曰世皇已嘗却之
今復進恐取譏又以節用上言王深納之○
六月下蔡河中獄自殺先僧達禪以自河中
流所訪全贊曰蔡相欲與公謀大事語泄繫
禪巡軍按問贊逃逮捕河中命李仁復等鞠
之拷掠累旬河中誣服自縊斬于市仁復嘆
曰知人無辜不能申理而獄成吾其無後乎
踰月獲贊斬之

臣等按仁復殆失斯言矣河中伏舊主而圖新主叛逆之罪已著叛逆天下之大惡時無古今身無存沒人人皆得而誅之河中之死其亦晚也仁復殆失斯言矣

秋七月門下侍中致仕李凌幹卒忠宣王嘗以所幸二姬賜凌幹及白文舉凌幹置姬別室莫敢犯又從忠宣在元為盤纏別監同事者皆致富凌幹獨清苦自勵冬月破衫單袴不私一錢及王竄吐蕃凌幹懷金潛附驛吏獻王王及從臣賴以不乏忠宣薨奉柩東歸

誦呼跋涉勤苦備至○八月杖流全祐祥祥
貴趙暉趙萬通洪開道李稱鄭珣康贊洪尚
載等以辭連蔡河中也○以金得培為西北
面防禦都指揮使以大將軍崔瑩為東北面
體覆使吏部尚書洪有龜為東北面兵馬使
○命李齊賢定宗廟昭穆之次○九月政堂
文學安輔卒輔性剛直廉潔不事生產及歿
家無擔石之儲○分遣諸道鹽鐵別監左諫
議李穡起居舍人田祿生右司諫李寶林左
司諫鄭樞等上書以為不可遣王召宰相臺

省問鹽鐵利害穡寶林補疾祿生樞固執前
議左諫議南兢與同列素不相能獨曰遣之
使王從之○召兩府曰聞卿等皆蓄鷹然乎
侍中廉惲臣對曰臣素不好且未聞兩府有
蓄之者王怒曰今四方兵起民生甚艱予甚
憫焉卿等何不憂國而縱鷹犬踐禾穀乎黃
裳慶子興元顓皆好鷹犬故慚赧○倭入昇
天府興天寺取忠宣王及韓國公主真而去
○閏月司天少監于必興上書言玉龍記云
我國始于白頭終于智異其勢水根本幹之

地以黑為父母以青為身若風俗順土則昌
逆土則灾風俗者君臣百姓衣服冠蓋樂調
禮器什用是也今後文武百官黑衣青笠僧
服黑巾大冠女服黑羅又於諸山栽松茂密
凡器用鍮銅瓦器以順風土從之○倭寇喬
桐遣上將軍李云牧將軍李蒙古大追捕倭
寇云牧詭曰若不殲賊請受顯戮議者料其
無成果未獲一級○冬十月諫官李穡等請
行三年喪從之○十一月以樞密院直學士
金得培為西北面都巡撫使前戶部尚書金

元鳳為西北面防禦指揮使○十二月復歸
銓選于吏兵部

東國通鑑卷之四十六

高麗恭愍王

